

『六国史』等にみえる錢貨記事（平安時代）

(1) 『日本後紀』卷五延曆十五年（七九六）十一月乙未条
乙未。詔曰。周朝撫曆。肇開九府之珎。漢室膺期。爰設三官之貨。用能遷有無以均利。通華夷而得宜。濟民之要須。乃益国之嘉策。然而口機適時。賢哲所以成務。權輕作重。母子於是並行。頃者。私鑄滋起。姦鑄紛然。施之交關。既為輕賤。充之貯蓄不堪實用。即欲禁止。卒難懲清。事須平量以救流弊。是以。更制新錢。仍增其直。文曰隆平永宝。宜以新錢一。当旧錢十。新旧兩色。兼使行用。但旧錢者。始自来歲。限以四年。然後停廢。

(2) 『日本後紀』卷五延曆十五年（七九六）十一月辛丑条
辛丑。始用新錢。奉伊勢神宮。賀茂上下二社。松尾社。亦施七大寺及野寺。賜皇太子親王已下職事正六位已上。僧都律師等各有差。

(3) 『日本後紀』卷五延曆十六年（七九七）二月甲申《廿八》
甲申。勅。租稅之本。備於水旱。錢帛之財。飢而不食。今聞。京職多有收錢。事須賤末貴本。一絕收錢。但恐民有貧富。不必蓄穀。宜聽貧乏之徒進錢。通計不得過四分之一。

(4) 『類聚国史』八〇度量估價八四犯官物、延曆十七年（七九八）十月乙未《廿》
乙未。勅。量收糶穀、斗斛有限。經年除耗、法令立例。今或所司斛斗之外、更加耗分。糶則一俵二升以上、穀亦斛別五升已上輸納。百姓常苦此費。自今以後、檢收糶穀、不得數外更加耗分。如有違犯、依法科處。度量權衡、先有定製。平校行用、亦具令条。然諸司怠慢、曾不遵行。大小任意、輕重由人。收納多濫、蠹害尤甚。自今以後、宜改此弊、升尺等類、就大藏省、依法平校、永絕姦源。若違此制、口實嚴科。又租稅調錢、出納有限。收徭充用、色數非一。奸吏之輩、犯用官物、名公文乘、不憚憲章。心挾貪濁、競事截留。至有剩徵田租、奸折調錢・職写田直徭錢等類。臟污多端、積習無悛。不設科条、何以懲肅。其来年正月以後、若有犯者、依法科罪。所犯若輕、猶解見任、永不叙用。又物有貴賤、價異高下。夏施秋穀、色類既多。諸国交易、先立估價。貴時強与賤價、賤時詐注貴直、遂事割設、枉規利潤。蠹民害政、莫甚於斯。宜改前過、不得重犯。仍候物賤之時、充和市之價、依実言上、不得奸截。如猶不悛、科違勅罪。

(5) 『類聚三代格』卷十九延曆十七年（七九八）九月二十三日官符

太政官符

禁斷貯錢事

右被右大臣宣備、奉勅、用錢之道取於輕便、有無均利彼此得宜者也、如聞、外国吏民多有貯蓄、京畿士庶還乏資用、既乖均利之義、亦失得宜之方、宜下嚴制不得更然、所有之錢盡皆納官、仍用正稅准價給之、送京之功亦用正稅、如有藏而不進為他被告、不論蔭贖科違勅罪、五分其物、一分給告者、四分沒官、但伊賀近江若狹丹波紀伊等国不在禁限。

延曆十七年九月廿三日

(6) 『類聚三代格』延曆十九年(八〇〇)二月四日官符

太政官符

禁斷民蓄錢貨以求爵位事

右大納言正三位壹志濃王宣、奉勅、頃年納錢例叙五品、今聞、殷富之民多貯錢貨、藏纏萬計或至腐爛、是以官府信力無賴於鑄作、京畿乏錢未布於民間、其百姓納錢以求爵位、自今以後、嚴加禁止、更莫令然。

延曆十九年二月四日

(7) 『類聚國史』七九禁制、延曆十九年(八〇〇)二月壬申
禁輸錢以求爵。

(8) 『日本後紀』卷十二延曆廿三年(八〇四)壬午條
制。筑前國志麻郡。自今以後。停止綿調。以令輸錢。

(9) 『日本後紀』卷十七大同三年(八〇八)五月己丑條
己丑(中略)勅、去年□用□□百姓之間。新錢未多。宜新旧列用。暫濟民乏。

(10) 『日本後紀』卷廿一弘仁二年(八一二)四月甲戌條
勅。河内國稅分錢三百貫。便充當國。限三箇年。出舉收利。為造堤料。又彼國課丁少數。無人差役。其散位位子。留省之徒。不直本司。常在鄉里者。宜限三年。補國中雜任。計其上日行事与考言上。又割公廩息利。充堤所食料。其代者。廻給隨便國。三年以後復旧焉。

(11) 『日本後紀』卷廿二弘仁三年(八一二)七月壬午條
賜山城。撰津。河内三國新錢各二百卅貫。出舉取利。充堤防用。

(12) 『日本後紀』卷廿四弘仁六年(八一五)六月甲辰
京畿百姓調錢五十文。今改定八百□文。

(13) 『日本後紀』卷廿七逸文(『類聚國史』八三正稅)弘仁九年(八一八)八月丙子
令畿内諸國京戶田租、停錢收稱。

(14) 『日本紀略』弘仁九年(八一八)十一月辛卯朔
詔曰。云々。改錢文曰富寿神宝。

(15) 『類聚三代格』卷一九弘仁十年(八一九)五月二日官符
太政官符
應禁斷錢利過半倍并非利沽質事

右案雜令云、凡公私以財物出舉者任依私契、每六十日取利不得過八分之一、雖過四百八十日不得過一倍。又不得廻利為本、其質者非對物主不得輒売。若過利過本不贖聽告所司對買。即有乘還主者。又太政官去延曆十六年四月廿日符儼、太政官去宝龜十年九月廿七日符、

自今以後、率利錢收利、雖過四百八十箇日、不得計一倍之利者。今被大納言從三位神王宣、奉勅、如聞、公私以錢出舉、已違茲制。責利過多、自今以後、公私率錢、宜限一年收半倍利、雖積年紀不得過責、若有犯者科違勅罪、有人糾告以贓賞之者、而比年之間都無遵行之。違犯之輩往々有之。或以多直之物而取少錢之質、偏稱過限壳收多錢、無經官司亦無對主。所乘直錢都亦不還。或限一年之內以約半倍之利。至于過期廻利為本。每至首春枉取其契。未經幾周忽及數倍。如是之姦不可勝計。所在之吏亦無糾正。今被大納言正三位兼行左近衛大將陸奥出羽按察使藤原朝臣冬嗣宣稱、有制無行。無懲有犯。朝章之設豈其然哉。宜重下知嚴加勾當、普勝示路頭令衆庶知。若猶不改、置以法刑。

弘仁十年五月二日

(16) 『日本後紀』卷廿七逸文(『日本紀略』) 弘仁十年(八一九) 六月庚戌
是日。京中窮弊者、給錢。

(17) 『日本後紀』卷卅逸文弘仁十三年(八三二) 七月丙申
以新錢百貫、班給諸王貧者。

(18) 『日本紀略』弘仁十四年(八三三) 正月丙子
新錢百貫、賜大和國、充築益田池料。

(19) 『日本紀略』弘仁十四年(八三三) 二月丙戌朔
賜錢左右京飢民。

(20) 『統日本後紀』卷四承和二年(八三五) 正月戊辰(廿二)
令鑄新錢。下詔曰。懋遷之軌。標自昌言。交貿而退。取諸噬嗑。則知龜文入幣。興於曠時。
影栖縉。彰於旧術。姬王園法。有無以之化居。漢室泉刀。斂散由其不匱。斯固邦家所要。
配地馬而无疆。公私攸宜。擬天龍而自遠。然而權輕作重。沿世或悛。子去母隨。適時開務。
况年祀浸久。資幣已賤。不有平量。何救流弊。是以今制新錢。以叶通變。文曰。承和昌寶。
以新幣之一。當旧錢之十。新之与旧。宜令並用。

(21) 『統日本後紀』卷四承和二年(八三五) 十月己亥(廿八)
勅。以新錢四万文。分之供施京城及平城有名之寺仏僧。每寺內舍人為使。

(22) 『統日本後紀』卷七承和五年(八三八) 十月乙未(十一)
勅。畿內諸國雜官稻代收錢。一切禁之。

(23) 『統日本後紀』卷八承和六年(八三九) 閏正月丙午(廿三)
上野國言。前年綱領郡司等。稱填調庸欠。并減直物。借取諸司諸家出舉錢。其手実云。附
來年使將報上。而不令後年綱領知情。而封家諸司等便割調物。先補錢代。廻利為本。動成
數倍。年中所報。殆及万貫。官物未進。莫不由此。望請。下知諸家以除此煩者。仰下諸司
諸家七道諸國禁制之。

(24) 『統日本後紀』卷九承和七年(八四〇)五月乙未《廿》
京中飢病。以飯米錢振給之。

(25) 『統日本後紀』卷十承和八年(八四一)二月丙寅《廿五》
太政官処分。以西市東北角空閑地方十五丈。為右坊城出舉錢所。

(26) 『統日本後紀』卷十二承和九年(八四二)七月壬子《二十》
是日。遣使班給失火百姓六万錢。

(27) 『統日本後紀』嘉祥元年(八四八·承和十五年)九月乙亥《十九》
令鑄新錢。下詔曰。觀夫洞八連三。重規疊矩。莫不交易以強國。代遷以利民。故鷹揚神文。
立九府之圖法。龍相天人。施五銖之異制。象乾坤之方円。同川岳之流積。無遠不往。無深
不臻。便用輕通。家國同利。但輕重有異。子母相通。影入星榆。形圖水。用捨之端無定。
小大之變隨時。今者天賜嘉祥。曆改年号。若使銖文貨制。仍旧不悛。恐乖變通之規。或罹
流弊之咎。宜改舊貫於亮錢。磨新彩於金刀。文曰長年大寶。一以当旧之十。新之与旧。並
用雜行。將令用而不倦。既富之而教之。

(28) 『統日本後紀』卷十九嘉祥二年(八四九)四月戊子《五》
勅。去承和七年定諸國穀直訖。而今如聞。穀價踊貴。錢幣差賤。而猶守旧程。不隨時宜。
宜改前直一依當時。仍須隨陸海之貢輸。取定數於京師。准其沽價。以為穀直。自今以後。
立為恒例。

(29) 『統日本後紀』卷十九嘉祥二年(八四九)十月癸卯《廿三》
是日。太皇太后復以錢五十万。賑恤京中飢民。又以新錢册貫文。誦經七大寺及梵釋。崇福。
延曆等寺。為復祈冥翊也。

(30) 『統日本後紀』卷十九嘉祥二年(八四九)閏十二月己未《十》
乘輿巡省京城。以錢米賑給窮者。比至囚獄司前。天皇問曰。是為誰家。右大臣藤原良房朝
臣奏言。囚獄司。於是殊降恩詔。皆免獄中罪人。群臣欣悅。俱呼万歲。

(31) 『統日本後紀』卷廿嘉祥三年(八五〇)三月丙戌《八》
百僧歸却。布施各有差。又施度者各一人。遣使誦經兩京及畿内近江丹波等國一百寺。各綿
一連為布施。又圖畫帝釋像百鋪。安置件百ヶ寺。各以承和錢一千文為燈料。

(32) 『三代實錄』卷二貞觀元年(八五九)四月廿八日癸丑
詔曰。書稱科斗。懋遷之訓斯彰。簡号章編。交易之方呂遠。是以姜公通市井之貨。齊國大
疆。鴟夷善廢斂之居。陶業爰盛。遠則赤側白金。近則鵝眼口環。順世而異名。逐時而興利。
但權輕作重。子去母隨。誠是歷年之漸深。遂知行用之弥賤。宜改旧幣更制新錢。勤此變通。
救彼流弊。文曰饒益神寶。一以當旧之十。即旧之与新。並令雜用。

(33) 『三代實錄』卷三貞觀元年(八五九)十月廿八日庚戌是日。鑄錢司進新鑄錢。奉諸名神社并諸山陵。及頒賜親王已下各有差。

(34) 『三代實錄』卷四貞觀二年(八六〇)五月十一日庚申十一日庚申。天皇及皇太夫人。以米六百斛。塩卅五斛。醴卅二斛。□子一千五百枚。□飯四十合。筍飯五百合。□飯一万六千九百六十枚。海藻三万三千三百斤。新錢一十二万五千文。施僧尼優婆塞優婆夷及隱居飢窮之輩二万九千六百七十四人。以助修淳和太后齋會也。先是。淳和太后於院裏設齋會。限以五日。講法華經。

(35) 『三代實錄』卷四貞觀二年(八六〇)閏十月二日戊申分遣使者。賜京師貧窮者錢米。以今日皇太后宮齋講畢故也。

(36) 『三代實錄』卷七貞觀五年(八六三)七月廿七日丁巳勅以新錢一千貫文。施入諸大寺。充修理料。中宮鐵一千廷加充同料。東大寺。興福寺。元興寺。大安寺。藥師寺。西大寺各錢百貫。鐵百廷。延曆寺。新藥師寺各錢卅貫。鐵卅廷。豐浦寺。本元興寺。招提寺。天王寺。崇福寺。知識寺各錢廿貫。鐵廿廷。梵釋寺。比叡西塔院。東寺。西寺各錢十五貫。鐵十五廷。

(37) 『三代實錄』卷十貞觀七年(八六五)三月十三日甲午制。諸司諸衛府仕丁衛士日功。收長年錢廿文。

(38) 『三代實錄』卷十貞觀七年(八六五)五月十三日癸巳延僧四口於神泉苑。誦般若心經。又僧六口。七条大路衛。分配朱雀道東西。朝夕二時誦般若心經。夜令佐比寺僧惠照。修疫神祭以防災疫。預仰左右京職。令東西九箇條男女人別輸一錢。以充僧布施供養。欲令京邑人民賴功德免天行也。

(39) 『三代實錄』卷十一貞觀七年(八六五)六月十日己未禁京畿及近江国壳買之擇弃惡錢曰。弘仁十一年六月九日下知大藏省曰。鑄錢司所進新錢。雖文字頗不明。而不失體勢。亦有小疵。行用無妨。宜猶納。而聞愚者不悟此旨。專任己心。擇弃不受。或稱文字不全。計十嫌二三。或号輪郭有缺。舉百欠八九。是以要升米者。飢口難餬。買屯綿者。寒身不暖。宜于路頭。嚴加禁止。若有乖違。隨即決答。

(40) 『三代實錄』卷十二貞觀八年(八六六)二月十六日壬戌太政官処分。定左右京白米一升直錢册文。前廿六文。今加十四文。黑米卅文。前十八文。今加十二文。是歲。價騰踊。東西津頭。白米一斛直七貫二百文。黑米四貫四百文。由是增定京邑沽價。

(41) 『三代實錄』卷十二貞觀八年(八六六)閏三月丙午朔是日。召集京城貧窮者於鴨河邊。以新錢五万文。飯二千五百頒給焉。於近京册三ヶ寺。転誦金剛般若經。般若心經。

(42) 『三代実録』卷十四貞觀九年(八六七)二月十七日丁亥承去年之旱。京邑飢儉。詔以米三百廿石。粃二千石。塩卅五斛。新錢一百貫。賑恤東西京乏絕之人。

(43) 『三代実録』卷十四貞觀九年(八六七)四月廿二日辛卯東西京始置常平所。出官米而糶之。米一升直新錢八文。京邑之人來買者如雲。是時穀價騰躍。內外飢饉。米一斛直新錢一千四百文。由是。官糶以救俗弊焉。

(44) 『三代実録』卷十四貞觀九年(八六七)五月十日戊申是日。勅曰。延曆十七年九月廿三日格云。用錢之道。取於輕便。有无均利。彼此得宜者也。如聞。外国吏民多有貯蓄。京畿士庶還乏資用。既乖均利之義。亦失得宜之方。宜下嚴制。不得更然。所有之錢。盡皆納官。仍用正稅。准備給之。送京之功。亦用正稅。如有藏而不進。為他被告。不論贖贖。科違罪。五分其物。一分給告者。四分沒官。但伊賀。近江。若狹。丹波。紀伊等国不在禁制限者。而今畿外諸国富豪之輩。不慎格旨。猶事貯積。聞其由緒。非充資用。徒奢富強之名。各爭聚集之夥。辺鄙既无通用之理。朝家永增鑄作之勞。靜論其費。誠須花草。宜令伊賀。伊勢。志摩。近江。美濃。若狹。越前。丹波。丹後。但馬。山陽。南海。大宰国府等。更施嚴制。一切禁斷。其所有之錢。依先格行之。若隱藏不進。科罪亦如前。唯告言者三分給一。国司仍須到之後卅日內。勘録數。專脚言上。夫搜勘无私。言上合期。不論多少。特加褒擢。若乖違旨。延引无申。及許容不勘。為他被告。同處違罪。不曾寬宥。又伊賀近江等五ヶ国。先格已稱不在禁限。宜聽其資用禁其貯蓄。

(45) 『三代実録』卷十四貞觀九年(八六七)八月廿八日甲午勅遣内藏權助從五位下藤原朝臣積善。向平城藥師寺。為故僧正壹演法師。修轉念功德。襯新錢一万。

(46) 『三代実録』卷十四貞觀九年(八六七)九月三日己亥美濃国言。搜檢民間。勘納帳年錢百五十一貫。播磨国言。勘納帳年錢二百廿五貫。備中国言。勘納帳年錢八十四貫。太政官处分。以稻一束錢二百文。賜進錢之人。其錢納官。

(47) 『三代実録』卷十五十二月五日甲子勅遣使者於近京册箇寺。平城册箇寺。修転経功德。襯錢寺別有數。賀皇太后春秋盈册。以铸余算也。

(48) 『三代実録』卷十六貞觀十一年(八六九)七月五日辛酉是日。制。左右京百姓輪調新錢十文。徭十文。五畿内調亦同焉。

(49) 『三代実録』卷十七貞觀十二年(八七〇)正月廿五日戊寅詔曰。夫古先哲王所以立鐵官設圜法者。以其能權斂散通有無。遠近同施。公私共利也。但始終難一。興廢有時。非因變通。何激風化。是以輕重不定。小大無常。世而分形。適時而異稱。朕冀政令之簡要。嫌貨之頻改。歲序雖積。錢文不新。今聞。流弊尤甚。交多妨。囊

裏貯而難資。杖頭懸而之用。既非泉流之喻。還作計之煩。宜變旧色於青。驚新聽於黔首。文曰。貞觀永寶。一以當旧之十。母子相隨。並共通用。庶俾下民之得宜。將招上天之冥祐。

(50) 『三代實錄』卷十八貞觀十二年(八七〇)十一月十七日乙丑

是日。分遣使者諸社。奉鑄錢司及葛野鑄錢所新鑄錢。賀茂御祖別雷兩社使前安芸介從五位下大中臣朝臣是直。松尾社使神祇權大祐正六位上齋部宿祢高善。稻荷社使神祇大祐正六位上大中臣朝臣常道。石清水社使主水佑正六位上大中臣朝臣坂田鷹。平野社使神祇少副正六位上大中臣朝臣有本。梅宮社使大物從五位下橘朝臣茂生。春日社使雅樂少允從七位上大中臣朝臣冬名。大原野社使主水正六位上大中臣朝臣鹿主。『戶近於葛野鑄錢所宗像。櫛谷。清水。堰。小社五神。奉鑄錢所新鑄錢。告文曰。天皇(我)詔旨(止)。宗像神(乃)前(尔)申賜(倍止)申(久)。依年序漸積貨幣已賤(天)。改饒益神寶爲貞觀永寶。常(乃)前鑄錢司路遠妨多(尔)依(天)。加太部加太部於山城國葛野郡(天)令鑄作。今神社件鑄錢所(尔)近(久)坐(須)。仍所鑄作之早穗廿文(乎)左馬助從五位下多治真人藤吉(乎)差使(天)令捧持(天)奉出賜(布)。此狀(乎)聞食(天)。國家平安(志天)。貨幣豐足(之米)賜(倍止)申賜(波久止)申。』又曰。天皇(我)詔旨(止)。堰神(乃)前(尔)申賜(倍止)申(久)。依年序漸積貨幣已賤(天)。改饒益神寶。爲貞觀永寶。常(乃)鑄錢司路遠妨多(尔)依(天)。加太部加太部於山城國葛野郡(天)令鑄作。令神社件鑄錢所(尔)近(久)坐(須)。仍所鑄作之早穗十五文(乎)左馬助從五位下多治真人藤吉(乎)差使(天)令捧持(天)奉出賜(布)。此狀(乎)聞食(天)。國家平安(志天)。貨幣豐足(之米)賜(倍止)申賜(波久止)申。』櫛谷。清水。小社神告文准此。』

(51) 『三代實錄』卷二二貞觀十四年(八七二)九月廿五日壬辰

廿五日壬辰。新鑄貞觀錢。文字破滅。輪郭無全。凡在壳買。嫌弃太半。譴責鑄錢司。令分明鑄作。

(52) 『三代實錄』卷二四貞觀十五年(八七三)十二月十七日戊申

左京職言。去承和三年二月九日格。調錢准外丁三分之一。人別輪調錢百文。徭八十文。仍准折十二丁成疋。然則人別應輪五尺。以此准當時沽法。饒益錢百八十三文。而去年以往。正丁一人所輪調庸同錢十四文。即是彼錢新貴時之法也。今貞觀新出。饒益弊賤。因依官符宣旨。雇役夫三丁之所輪。不足一人功食。然則須以五尺直為調法。然而俄有增加。弊民難堪。望請貞觀錢十文定令輸貢。勅。宜別令輸貞觀錢三文。畿內諸國亦宜准此。

(53) 『三代實錄』卷二六貞觀十六年(八七四)八月庚申四日

勅左右京職。收百姓調徭錢。人別十五文。

(54) 『三代實錄』卷二七貞觀十七年(八七五)二月十一日乙丑

分遣使者於近京及平城諸寺。修善諷誦。以內藏寮後院錢其襯物。

(55) 『三代實錄』卷二七貞觀十七年(八七五)六月十三日甲子

分遣使者於十五大寺。轉誦般若若經。每寺新錢。或二貫。或三貫。祈雨也。

(56) 『三代実録』卷二七貞觀十七年(八七五)十二月月庚戌朔大和国私鑄錢者。往々而在。令国宰追捕。

(57) 『三代実録』卷二八貞觀十八年(八七六)二月十日戊午右京言。返上出拳修理官舍道橋料貞觀錢六十貫文。司以乘物。買收米二百斛。納其息利彼。太政官处分。依請焉。

(58) 『三代実録』卷二九貞觀十八年(八七六)六月廿七日壬申元興福寺僧德操。「元」右京人長背村主。与春日春岑。同私鑄錢。推問事迹。德操不伏。雖然衆證灼然。須依格着役仕。有曰。村主本是緇徒。殊處中流。是故配流伊予国。

(59) 『三代実録』卷卅三元慶二年(八七八)六月廿六日庚寅勅。左右京五畿内百姓調庸。去年以往輸貞觀錢十五文。今加十五文、惣卅文。

(60) 『三代実録』卷卅八元慶四年(八八〇)十一月廿九日己卯晦是日。詔分遣使者於廿一寺、修功德。以太上天皇聖体乖予、未有平損也。東大・興福・元興・西大・藥師・大安・法隆・招提、延曆九寺、各供仏灯油三升、名香六兩、細綿一連、供僧新錢三貫文。寺別請名僧廿口、始來月三日、限以三日、可転読大般若經。分遣使者於新藥師・四天王・香山・長谷・壺坂・崇福・梵釈・現光・神野・三松、子嶋・龍門十二箇寺並燒灯囉綿、以修功德。

(61) 『三代実録』卷卅八元慶四年(八八〇)十二月七日丙戌是日。太政官頒下詔書於文武百官及五畿内七道諸国、「左右檢非違使、於左衛門府南門、出詔以前獄繫囚左百六人、着駄八十一人、未着駄廿五人。右九十四人、着駄七十九人、未着駄十五人。惣二百人。一時放却、賜錢各卅文。

(62) 『三代実録』卷四十六元慶八年(八八四)九月十四日辛未勅、以新錢卅三貫、相分給左右京職出舉、以其子錢送大学寮、充学生菜料。先是、大学頭從五位上兼守右少弁藤原朝臣佐世奏言。「『類聚国史』」抛式、左右京職出舉、以其息利、送大学寮、充学生菜料。弘仁之前、每年有送、天長以降、絶而不納。其隆平永宝者、延曆十五年新貨也。厥後、錢文改易、惣經五度。兩職須每改旧慣、請換新錢。而惣略其事、全失本物、遂使生徒、積歎無菜。今尋物意、給諸司公廩錢者、修理官舍也。全猶新泉初湧、十倍本源。況大学者、百川之学海、九流之道淵也。大厦棟梁、於是乘育、巨川舟楫、於是可採。論其弘益、豈校官舍。以彼比此、相去既遠。望請。准抛式文、充給新錢、每年出舉、依例令送。若致未進、將拘職司考祿。詔從之。

(63) 『三代実録』卷四十九仁和二年(八八六)六月十八日丙寅分遣使者於九箇寺、転読大般若經。其供料、東大寺・元興寺・興福寺・藥師寺・延曆寺、各新錢五貫文。西大寺・法華寺・大安寺、各四貫文。法隆寺三貫文。每寺供名香、多少有数。以左衛門府生・左右馬寮史生充使。先是、天文博士從八位下中臣志斐連広守奏言。近

窺天變、奉為天皇、見不祥之氣。是故、修此善焉。

(64) 『三代実録』卷四十九仁和二年(八八六)六月廿日戊辰
勅、以清和院稻一千束直新錢廿貫文、付山城國、加拳正稅、收其息利、充圓覺寺長明灯料。
先是、清和院申牒稱。圓覺寺、是先太上天皇始於落飾、終於登遐之地也。南北二堂、莊嚴
佛像、定十口僧、供給齋飯、皆是先皇御願也。去元慶五年三月十三日、詔列於官寺訖。而
明灯未供、暗夜難照。望請。巡安祥寺例、以稻一千束付國司、每年出拳、請其息利、於近
寺愛宕郡、充常灯分。至是許之。

(65) 『日本紀略』寬平二年(八九〇)四月廿七日
改錢貨曰寬平大宝。

(66) 『日本紀略』延喜七年(九〇七)十一月三日
詔改寬平大宝錢貨、為延喜通宝。一以當旧之十。新与旧並令通用之。

(67) 『日本紀略』延喜八年(九〇八)十二月十三日
奉新錢於諸寺。

(68) 『日本紀略』天德二年(九五八)三月二十五日
改錢貨文延喜通宝為乾元大宝。

(69) 『日本紀略』天德二年(九五八)四月八日
今日、右大臣於仗座仰外記、令因幡介広兼、図書允阿保懷之書新錢文。但被用懷之。抑当
時能書、木工頭道風朝臣、大内記藤原文正也。道風眼暗不堪細字。文正觸穢。仍懷之書錢
文。

(70) 『日本紀略』天德三年(九五九)四月五日
賜新錢於親王以下諸司官人已上、天皇并中宮東宮奉之。親王以下於軒廊南給之。

(71) 『日本紀略』天德三年(九五九)四月七日
奉新錢於諸社諸寺使、可差進之由、仰神祇官・中務省。

(72) 『日本紀略』天德三年(九五九)四月十七日
奉新錢於伊勢大神宮以下十一社。以神祇官人為使。

(73) 『日本紀略』永延元年十一月二日
仰檢非違使加制止上下人々不用錢貨事

(74) 『日本紀略』永延元年十一月二十七日
諸卿定申於十五大寺、七箇日間、每寺令八十口僧、祈錢可用之由、又有驗寺々如此。

清胤王書狀（九条家本延喜式裏文書）

B

「康保三年八月廿六日」

件古錢者、人所□、其代殊給恩給□、可被執啓、謹言、

清胤謹言、以今月二日安行到來□（伝力）仰旨、抑以先日未出來日收勘文、其後所出來日收長殿返抄、元□（年力）分返抄、內藏櫛子代油返抄、官厨□（返力）抄等也、未出來綿代錢七十貫文□□（預力）者、又雲林院宣旨錢八十三貫文、官□未進米六斗、大膳職返抄、主殿寮□□（返抄力）、件返抄近日之間、催請可□（勘力）抄帳、所給之物、安行等所申頗有相□（違力）、而不弁其事之間、不問案内、於公文者□勸殿用途帳被下之後、未下承知官符、□□內可出來者、相待件官符之間、自□者公事案内、且如此子細、追以可□（言力）上之、二条殿日來米已絕、廻左右□□□盡術、更無他計、諸事追執啓如此、清胤謹言、

八月三日

清胤狀上

謹上遷替院侍主達御中

C

（前略）

一淡路守宅事

件宅直、自伊与国忠許、借錢百六十貫持來、即充□（行力）□直、本直三百五十貫者、猶以未下百余貫也、件屋被□更無雜屋、只今屋不可立、是依無料物也、此由屢□（申力）修理進、清胤參上之後、用物勘文度度奉入、用殘之□勘文也、

一吉正・滋忠等預物事

件船、道間平安著岸、即米錢依員散用已了、在□米等須如送文分行者也、而或依国定分行人人、或□（勘力）手官人等、例物可請者所充行也、但抄帳勘畢之□解以請之日、頭助并勘手外官人物志者、而遺□更無他術、如此之間、必有事怠歟、以之為歎、為□

E

（前略）

清胤謹言

請去八月十三日御書、後八月九日到来、并言上雜事等事

一調庸事

件調庸料物、依員究進、更無未進、其後未出來返抄、雲林院錢一枚、主殿寮油一枚、官厨家米一枚、雖相催□（返力）抄事怠有之、公事之体自然如此、以之為歎、心神不安、与不事、未承一定、祈禱仏神御、与否之事自然定歟、

（中略）

一鑄錢司用途帳事

件帳日日相催使使、而称不請料物之由、頗以愁申、此□見安來等、頂錢返抄未弁、請自以煩之、就中豊生□料物無愁者也、而預公文二箇年帳未勘申、頗雖□（召力）更以無益、仍錢借給五貫文、僅以令勘、錢収於出□（來力）、更有何妨乎、

一可葺修二条寢殿并東对等事

件屋無仰以前、申事由修理進、因之以去夏之比、文□所檢皮可運上之由、度度差遣使者

、即可上之由申諾、□米先立用駄賃、其後寄事左右、迄今日更不上、□頗為水流失者、所申無理、縱雖有檢皮、不可修理、□(用力) 尽更廻何計、就中寢殿降雨滴濕、不可人居、何□對非可滴云、宛雨如降、已依固定寄宿之間、更□(無力) 方、不可修理、為之如何、如此事可推量者也、

(後略)

F

(前略)

一可成內藏司錢返抄二百貫文事

右佐出納被申云、彼司所收錢二百貫文、而御任□□料已以有餘物、已公納不可請返、須後司料□□御料可成返抄者、件返抄追以進上、且以此可察之者、慥造勘文可言上之、以前雜事、大底言上如件、抑參上之後、依勘文□□(下行力) 調庸不足料之後、漸出來、其返抄四箇年料、一年之物不究下、且不勘抄帳之旨是等也、又無日收寮料、因之造解文令奏問(聞)之間、未下其宣旨、率分之事未被定、是右中弁依不被同渡也、頻雖催申、且及兩年未渡給者、佐出納以此由被申、以今明日可渡給云云、錢使返抄、未出來一年料者、因之令進勘文、奉右中弁殿(源保光)(抑脱力) 如件、

康保三年五月十七日

藤原「頼国」

三世「清胤王」

G

「七月十一日卯時到来」

清胤謹言

言上雜事七箇条事

(中略)

一可被早上公事勘濟料錢事

右以先日付延正、造勘文奉送已了、早錢四百貫許可被馳上、二箇年抄帳勘料下行已了、今二年料依無□□

□□勘濟□□

推量之、

(中略)

一勘濟寺豐德米代錢廿貫文事

□(右力) □□□□(遣使力) 者早可勘納也、但豐德申云、□□石米内、且可弁申五十石之代錢卅五貫、今於十五貫文者、追以月内可進送者、其殘五十石、長官御京上之時、可給米□申補□之、

以前雜事、言上如件、

康保三年六月十一日

清胤王

I

(前略)

一令漂失多仁村官米殘米九十一石直錢□□□勘□□

□□從室泊・大嶋・多仁兩村船、他船□枝船立前罷去已了、而輪(田脱力) 与河尻間、

吹伐船帆懸波、而間荷取弃卅余石者、以去四月十二日參著河尻、即五百井有材來向申此由、乍驚召取挾抄勘問之間、河尻辺人人定直俵別百四十文分行、是即有材共所殘計米九十一石、殘者即有材隨申分行云云、件挾抄召捉、件直錢令返、申左右早不進、非本国人、是備中国船人云云、因之付使件錢所勘領也、以先日此由申上已了、

(後略)

以前雜事、且大底如此、所所御書返事、追以進上、□□結解未被勘定、因之□申子細、謹辭、

康保三年五月三日

清胤王

K

(前略)

清胤謹言、付贄綱丁春茂、奉入返抄□、抑所被上錢、棄仕米直并所在錢八□□□□(百四十五力) 實六百廿二文也、所被雜用錢百六十七實□(三力) 百四十四文、其殘六百七十八實二百七十八文、可(所力) 用九百十實七百六十文、不足二百卅二實四百八□□□(十二文力)、件勘文等付延正奉入、此男依先參□□間違也、佐出納先後勘文可用之□定也、又藏人□(所力) 布直并修理職勘返白□(布力) 代等、勘返物粉千六百余石、額七万余束也、因之主稅寮助早可進堪(勘力) 文、其□(後力) 可勘公文者、彼隨仰可令進堪(勘力) 文、□(勘力) 勘文付延正可奉上、以明後日可下向、調大帳勘畢已了、但未成官符、近日之□□

初期宋錢流通關係史料

『玉葉』治承三年七月二十五日条 (高倉天皇繪旨)

近代万物沽価、殊以違法、非唯市人之背法、殆及州民之訴訟云々、寛和・延久之聖代、被定下其法了、隨去保延四年、且用中古之制且延久之符、宜遵行之由、重被宣下了、今度猶可被用彼法敷、將又驪 推移、時俗難隨者、新可被定下哉、就中、錢之直法、還背皇憲、雖宜停止、漢家・日域、以之為祥、私鑄錢之外、交易之条、可被寬有敷、其法可用寛和沽価之准直敷、又可依諸国當時濟例敷、抑將新可被定下敷、此等之趣殊可令計申給候者、依天氣言上如上件、以此旨且可令披露給候、通親恐惶謹言、

七月廿五日

右中将通親上

進上 美作守殿

同日条 (兼実の記述)

此事暗不能注進、価直事也(者力)、代々使庁之沙汰也、先法家勘申本条、并使庁・官底、令注進度々制符、且勘申當時官行事所、及藏人所色代檢納之制、諸国濟例等、斟酌彼是、且訪有識、且及群議、可被定下事也、凡我朝衰弊只在此事、仍去年雖令注申、新制之中不被載此事、不叶時議敷之由、令存之間、今有此沙汰、尤□(可) 謂善政敷、始終之沙汰、能被計行事也、凡此貫首、万事糺旧法申行云々、可謂賢々々々、但過法敷、

同二十七日条

基広注申銭売買之間事、近代渡唐土之銭、於此朝态売買云々、私鑄銭者処八虐、縦私雖不鑄、所行旨同私鑄銭、尤可被停止歟、而如先日職事御教書、不可被停止之趣歟、尤無其謂事歟、基広勘注之旨、叶愚存了、又尋見年々沽価法〔天曆・応和・寛和・延久等也・長寛之比、雖及此沙汰、無始終之事云々〕此中延久尤委細、叶近世之法歟、但召市人、可被行中沽之法歟、謂中沽之法者、売人者指高直、買人好減直、折中而裁斷、謂此中沽之法也、

(沽価法)

A 天曆元年(九四七)十一月十一日

「諸卿被定雜物価直減定事」〔日本紀略〕同日条)

「中使公輔来、賜諸卿定申雜物価直文」〔貞信公記〕同日条)

「中使頭朝臣来云、(中略)又沽価定状、下符畿内、丹波等何云々、又市司事」〔貞信公記〕同年十一月十六日条)

(参考)「天曆三年八月八日官符云、調布一端直百〇(三十)文已下」〔法曹類林〕卷一九二)

B 応和年間(九六一〜六四)

(参考)「応和二年四月七日官符云、調布一端直六十文已下」〔法曹類林〕卷一九二)

C 寛和二年(九八六)三月二十九日

「此日、被定京中物直沽売法」〔本朝世紀〕同日条)

「左大臣以下諸卿参仗座、被定沽買法」〔日本紀略〕同日条)

「寛和二年沽価官符云、銅一斤百五十文」〔政事要略〕卷82)

D 万寿二年(一〇二五)二月十三日

「左中弁経頼持来調庸僉悪格官符並沽価官符等」〔小右記〕同日条)

E 延久四年(一〇七二)八月十日

「定沽価法」〔百練抄〕同日条)

(参考)被定絹兩数、疋別三兩三分、龜絲之固、用四〇〇〇〇年令也、又布法近代無所見、但随国自有〇〇〇可精好之由、同被定下〔扶桑略記〕延久二年二月七日条)

F 保延四年(一一三八)『玉葉』治承三年七月二十五日条

G 長寛二年(一一六四)『玉葉』治承三年七月二十七日条

H 治承三年(一一七九)『玉葉』治承三年七月二十五日条

『法曹至要抄』中、出挙条

一、 銭貨出挙以米弁時一倍利事

建久四年七月四日宣旨云、応自今以後永從停止宋朝銭貨事、右左大臣宣、奉勅云々、自非止銭貨之交関者、争得定直法於和市哉、仍檢非違使并京職、自今以後、永從停止者、同年十二月廿九日宣旨云、応銭貨出挙、以米弁償利事、右得記録所今月廿三日勘状、銭直法任去年八月六日宣旨状、一貫文別以米一斛為正物、於利分者、依弘仁十年五月二日格、每六十日取利、不得過八分之一、雖過四百八十日、不可過一倍歟者、左大臣宣、奉勅宜依勘申者、使宜承知、依宣行之。案之、举銭之利、雖為半倍、停止銭貨、以米致弁者、以銭一貫充米一石、每六十日取利、再滿四百八十日者、可為一倍之利矣。